


生經

古籍
第
二

二百八十八
定二

49630



元祿九年丙子二月日重修

皇圖環固 帝階綴昌

佛日增輝 懋輪常轉

山城州天安寺法金剛院置



生經卷第二

西晉三藏竺法護譯

佛說閑居經第十三



聞如是一時佛遊拘留國轉遊與大比丘眾
五百人俱稍至城裏聚落有自然好音佛頓
其中時彼聚落有梵志長者與無央數眾悉

共普聞有大家志姓曰瞿曇釋族姓子棄國
轉遊城裏聚落與大比丘五百人俱彼佛大
聖名稱普聞流徧十方莫不宣揚疑者肅驚
戰戰兢兢莫不欣戴号曰如來至真等正覺
明行成爲善逝世間解無上士道法御天人
師号佛出尊則以加哀天上人間諸魔梵天



定

沙門梵志開化天人證以六通獨步三界所
說經法初語亦善中語亦善竟語亦善分別
其義微妙見諦淨修梵行得覲如斯如來至
真等正覺善哉蒙慶若能稽首敬受道教功
祚無量於時梵志長者往詣佛所稽首足下
却坐一面敬問占謝叉手白佛者揖讓者遙
見默者却住一面者於時世尊告梵志長者
假使有人來問汝者何所沙門不當供養奉
事答曰不及惟佛說之佛言其有沙門梵志
眼著妙色耳貪五音鼻慕好香口存美味身
猗細滑志于諸法不捨於欲貪嫉恩愛志求
無厭焚燒之痛如是之比沙門梵志不當供

養奉事尊敬白佛言有來問者當以是答乃
令善義則應法化所以者何我等著色聲香
味細滑之法恩愛之著貪求無厭斯輩之類
迷于五陰或作六衰官爵俸祿財物富貴不
以懈倦與俗無別以是之故不當奉供順此
等類佛告梵志長者假使有人來問汝者當
供事奉敬尊重何所沙門梵志當云何乎白
世尊曰其不著念五陰六衰婬怒癡習濟色
聲香味細滑之念斯等積德溫雅和順正當
供事如此之輩沙門梵志佛告城裏聚落梵
志長者汝等何故說此言乎寧有比類安和
沙門梵志已離婬怒癡又教人離及色聲香

味細滑恩愛之著心惱之熱諸情無厭。若佛
言吾等數見沙門梵志端正殊好捨色聲香
味細滑所欲處在閑居若樹下坐塚間曠野
棄諸瑕惡志無所求宴居獨處彼則永除色
痛想行識諸法之念斷求念空常察此等沙
門梵志離婬怒癡亦教人離捨色聲香味細
滑之念聽聞如是。以斯為樂恩愛之著永以
除盡可意色欲諸所慕求燿然已離則以時
節供事所樂五陰六情亦復如是。我觀此等
沙門梵志處在閑居若樹下坐塚間曠野獨
而宴處則已永除眼色耳聲鼻香口味身觸
意法積衆德本恭順和雅如是。比像我等觀

之沙門梵志離婬怒癡及教人離我等今日
自歸佛及法僧奉受五戒爲清淨士佛說如
是莫不歡喜

佛說舍利弗般涅槃經第十四

聞如是一時佛遊王舍城迦蘭陁竹園中
時賢者舍利弗在那羅聚落得疾困劣寢在
于牀與諸賢者沙彌俱於時舍利弗尋般
涅槃侍者諄那供養奉事如法已訖取鉢
衣服就王舍城到竹林間已日昃時從宴
處起取鉢衣服至阿難所稽首足下退坐
一面諄那沙彌白阿難曰唯然仁者欲
得知不賢者舍利弗已取滅度我今
賣持和上舍利及鉢衣

服賢者阿難報諄那曰便與我俱往詣佛所
敬事修禮儻從世尊得聞要法諄那荅曰唯
然從命於時阿難與諄那俱往詣佛所稽首
足下退坐一面叉手白佛我身羸極無復力
勢柔弱疲劣不能修法所以者何諄那晉曰碎末
沙彌來詣我所稽首足下爲我說言仁者欲
知賢者舍利弗已取滅度并賣衣鉢及舍利
佛告賢者阿難汝意諄那念舍利弗比丘賣
於戒品而滅度定品慧品解脫品知見品而
滅度乎又吾了是法致最正覺乃分別說及
四意止四意斷四神足五根五力七覺意八
聖道行佛所現信汝於今見舍利弗比丘又

般泥洹而反愁感涕泣悲哀不能自勝賢者
白世尊曰舍利弗比丘不賣持戒定慧解脫
知見品而滅度去也世尊以是分別斯法成
最正覺分別說耳及四意止四意斷四神足
五根五力七覺意八聖道行亦不賣此而滅
度也阿難白佛唯然世尊舍利弗比丘奉戒
真諦有妙辯才講法無厭其四部衆聽之不
倦說之不懈多所勸助開化未解令心欣豫
莫不奉命知節止足常志精進志常定止有
大聖智無極之慧卒問對之言辭應機發遣
博達能了尋音答報一切能通智慧為寶衆
德具足舍利弗比丘巍巍如是以故我見舍

利弗比丘取滅度去愁憂悲哀心懷感感不能自勝佛告阿難生者在世安可久存有諸思想緣起之法必當歸盡壞敗永沒法當崩敗法應當壞欲使不介終不可得佛告阿難佛本自說一切恩愛皆當別離夫生有終物成有敗合則有散應當滅盡壞敗欲使不介安得如意應當終沒歸于無常離別之法欲使不散安得可獲乎佛語阿難舍利弗所遊之處佛心則安不以爲慮應當別離壞敗無常欲使不至安可獲乎法起有滅物成有敗人生有終興盛必衰應當無常別離之法欲使不至未可獲也譬如大寶之山嵩高之頂

一旦崩摧如是阿難舍利弗比丘在衆僧中
今取滅度如寶山崩無常壞敗別離之法欲
使不至安得如意佛告阿難猶大寶樹根芽
莖節枝葉華實具足茂好大觚卒墮則現缺
滅視之無威如是阿難舍利弗比丘存在衆
僧今取滅度衆僧威滅應當滅盡無常衰耗
欲使不至豈可得乎是故阿難從今日往自
修身行已求歸依以法爲證歸命經典勿求
餘歸云何比丘作是行乎於是比丘自觀身
行內外非我當自觀察調御其心觀諸世間
皆由無點內觀痛癢觀外痛癢內外非我入
于善哉調御其心察世無明內觀其心亦觀

外心不得內外入于善哉自調其心觀世無
黠觀上日月亦觀外法不倚內外入于善哉
調御其心觀世無黠佛告阿難是爲修其身
行自求歸依處於法地歸命于法不處他地
不歸餘人佛告阿難其比丘比丘尼清信士
清信女從我受教自修其身自求歸依處於
法地歸於法地歸命于法不處他地不歸餘
人出家比丘爲佛弟子順此教者則順佛教
佛說如是阿難及沙彌諸比丘衆聞經歡喜
受教而退

佛說子命過經第十五

聞如是一時佛遊舍衛祇樹給孤獨園今時

舍衛城中有一異人息男命過父母愛重無不欲念視之無厭以子之憂狂亂失志奔走門戶中庭街路求子願來見我當於何所得覩汝形於時是人隨其門路出舍衛城至祇樹給孤獨園往詣佛所默然立前佛問其人汝何以故本制其心今者諸根變沒不常憔悴羸極其人白佛言用為問我諸根變異所以者何獨有一子舉家愛重莫不敬愛視之無厭今以命過以子之憂而發狂癡其心迷亂開軒窓及門戶求索子願來見我何所求子佛言其人恩愛之著別離則憂啼泣悲哀憂惱之患合會有離適有所愛必致惱患今時

其人聞佛所語心中忽然了世無常三世如
幻即受佛戒稽首而退

佛說比丘各言志經第十六

聞如是一時佛遊於越祇音聲叢樹與尊比
丘俱一切聖賢諸通已達皆悉耆年其名曰
賢者舍利弗賢者大目連賢者迦葉賢者阿
那律賢者離越賢者邠耨文陀弗賢者須菩
提賢者迦旃延賢者憂波離賢者離垢賢者
名聞賢者牛呬賢者羅云賢者阿難如是之
比大比丘衆五百人尔時賢者大目捷連及大
弟子天欲向明從座起往詣賢者舍利弗所
時舍利弗遙見諸大弟子相隨而來適觀此

已至離越所而謂之曰離越且觀大聖衆來
諸目連等賢者離越尋時往詣舍利弗所手
執涼扇詣舍利弗所所以者何今日且當因
舍利弗得聞講法與大弟子一時同心時舍
利弗見大弟子尋以勞賀賢者阿難善來阿
難能自枉屈爲佛侍者親近世尊宜聖明教

當問阿難心所懷疑音聲叢樹爲甚樂乎威
神巍巍華實茂盛其香芬馥柔爽悅人云何
比丘在於音聲叢樹之間而現雅德阿難答
曰常以時節修具足行分別其義成就微妙
淨修梵行多所發起多所成就至於博聞曉
了言教心意開解處于快見爲諸四輩講說

經典粗舉要言濟諸曠野深谷之患如是舍利弗比丘應在音聲叢樹之間時舍利弗復問離越卿意云何賢者阿難所說辯慧由師子吼今問離越仁者觀此音聲叢樹爲快樂不威神巍巍華實茂盛其香芬馥柔熨悅人云何比丘在於音聲叢樹之間而現雅德離越荅曰唯舍利弗假使比丘閑居宴坐樂于獨處除去家想而無愛欲在於衆人而不放逸不樂輕戲憺怕寂然其心不亂志在空行如是比丘應在音聲叢樹之間則現雅德又舍利弗復問賢者阿那律卿意云何在音聲叢樹爲快樂不威神巍巍華實茂盛其香芬

馥柔奕悅人云何比丘在於音聲叢樹而現
雅德阿那律答曰唯舍利弗假使比丘天眼
徹視道眼清淨觀於天人三千大千佛之國
土普見無礙譬如假喻有眼之人上高樓閣
從上視下悉見所有人民行來出入進退居
止屋舍如是舍利弗比丘天眼觀見三界無
一罣礙在於音聲叢樹之間則現竒雅舍利
弗問大迦葉曰卿意云何在音聲叢樹為快
樂不威神巍巍華實茂盛其香芬馥柔奕悅
人云何比丘在於音聲叢樹而現雅德迦葉
答曰惟舍利弗假使比丘自處閑居勸人閑
居自修賢聖勸人賢聖自服弊衣勸人弊衣

自知止足勸人止足自身少求勸人少求自身寂然勸人寂然自身精進勸人精進自身制心勸人制心自身定意勸人定意自身專修勸人專修自身戒具三昧智慧解脫度知見慧勸人亦然自身教化勸發衆人聽受法義開化說經於法無厭勸人亦然如是舍利弗比丘在於音聲叢樹之間則現竒雅。

又舍利弗問大目犍連卿意云何在音聲叢樹爲快樂不威神巍巍華實茂盛其香芬馥柔熒悅人云何比丘在於音聲叢樹而現雅德目連荅曰唯舍利弗假使比丘得大神足威聖無量普尊自由於其神足所念自在於

變化示現無央數形能變一身至不可計則
還合一於此牆壁山藪谿谷通過無礙出無
間入無孔入地復出譬如入水履水不溺若
行陸地處於虛空結加趺坐若如飛鳥身出
光燄如大火聚身中出水猶如流泉其身不
輒令此日月威神光照於天下從地舉手
捫摸日月化大其身至于梵天如是舍利弗
比丘在於音聲叢樹之間則現竒雅尔時目
連問舍利弗曰卿意云何在音聲叢樹為快
樂不乎威神巍巍華實茂盛其香芬馥柔奕
悅人云何比丘在音聲叢樹而現雅德舍利
弗荅曰假使比丘制心自在不隨身教自於

其室三昧正受發意之頃。明旦日中。日冥。定
意一心。人定。夜半。後夜。自由所行。常得自在。
無所罣礙。譬如長者。若尊者。子淨水洗沐者。
新好衣。所有具足。無所少乏。隨其所欲。欲得
何衣。衆寶瓔珞。香華妓樂。明晨日中。向夜。所
欲止處。衣裳服飾。卧起牀榻。悉得自在。如是
目連制心不隨。亂意。明旦日中。闇冥。人定。夜
半。後夜。隨其所欲。禪定三昧。隨其所觀。皆得
自在。比丘音聲叢樹。則現竒雅。尔時賢者。舍
利弗謂目捷連賢者。已說吾等之類。盡各言
志。隨其辯才。各宣其意。寧可俱往。詣佛大聖。
啓說此事。如佛所說。吾當奉行。目連答曰。惟

命是從於是舍利弗前白世尊我等之類各
演所知今故啓白得其理不於是世尊語舍
利弗賢者阿難善哉善哉阿難所說所以者
何比丘博聞則持不忘若有說法初善中善
竟善分別其義微妙具足淨修梵行能分別
此如是像法博聞普達觀之自在其心清淨
降伏諸根皆能曉了則為四輩粗略舉要演
說經典各令得所善哉善哉離越若之所說
所以者何假使比丘在於閑居其行寂然其
心清淨分別空無善哉善哉阿那律尔之所
說所以者何今卿天眼觀見三千大千佛國
如於高樓上察見在下善哉善哉迦旃延尔

之所說所以者何汝見四諦無復狐疑善哉
善哉須菩提能解說空法以空為本善哉善
哉牛呵尔之所說所以者何畏生死苦樂於
泥洹善哉邠耨分別經義演說佛典善哉善
哉優波離分別罪福奉修法律善哉善哉離
垢去三毒罪得三脫門善哉善哉名聞清淨
善德并化衆人善哉善哉羅云守護禁戒無
所違犯善哉善哉大迦葉樂在閑居勸他閑
居以十二事常自修身亦勸他人善哉善哉
目捷連得大神足無量大尊自在分一為萬
萬還合一能捫摸日月身至梵天善哉善哉
舍利弗明且日中日入人定夜半後夜禪定

三昧常得自在如長者子沐浴著衣以寶瓔珞晝夜三昧恣意所服佛告諸比丘汝等各說所知皆快順法無所違錯復聽吾言云何比丘在音聲叢樹爲快樂乎威神巍巍華實茂盛其香芬馥柔爽悅人在音聲樹而現雅德於是比丘明旦從其衣盃入于聚落若在異國處在樹下於是明旦著衣持盃入彼國邑若於聚落護諸根門分衛始竟飯食畢訖藏去衣盃洗其手足獨坐宴處結加趺坐正身直形安心在前則觀於世一切無常心自念言假使吾身漏盡意解乃從座起輒如所言諸漏不盡不從座起比丘如是在音聲叢

樹則現奇雅於時世尊而說偈言

博聞持法微妙最

分別經典解法義

為無央數而講說

有志閑居樂獨處

內自觀身外勸化

執御樂禪身自行

遵修世尊博聞教

有在宴處若樹下

其目清淨無所著

蠲除身病四百四

親見衆生若干種

宴處樹間德如斯

譬如師子遊山居

獨處閑居猗寂靜

止足解脫隨類教

處在宴處德如斯

若在上及梵宮

若捷沓愆及人間

普能至彼無所礙

處在宴樹德如斯

淨妙智慧普解人

心得自在諸根定

一切知足棄諸惡
如是上人說微妙
所演善哉順上義
其天中天無廢礙
其諸神通普平等
彼時世尊曰除雲

如諸比丘所應行
貪諸微妙多少求
著衣持盃威儀則
其有能修如此妙
得至寂然去塵垢
佛說如是諸大弟子

處在宴樹德如斯
各各講法隨所知
往詣世尊叙所說
音聲如梵寂志尊
尊師應時開慧門
因此興教聽吾言

宴處樹間志竒雅
最勝分別其心行
其行如鳥遊虛空
聖不興嫉無懷害
處在宴樹德如斯
鬼神阿須倫聞經

莫不歡喜

佛說迦旃延說無常經第十七

聞如是一時佛遊阿和提國。爾時賢者迦旃延告諸比丘諸賢者。聽一切合會皆當離別。雖復安隱會致疾病。年少當老。雖復長壽會當歸死。如朝露華日出即墮。世間無常亦復如是。年少強健不可常存。譬如日出照於天下。不久則沒。如是賢者合會有別。人生有死。興盛必衰。一切萬物皆歸無常。壞敗歸盡。如樹果熟。尋有墮憂。萬物無常亦復如是。合會有離。興者必衰。譬如陶家作諸瓦器。生者熟者無不壞敗。如是賢者合會有離。興者必衰。

生者有死恩愛離別所求所慕不得如意介
時則有惡應變恠現矣其病現前諸根危熟
身得疢疾命轉向盡骨肉消滅以失安隱得
大困疾懊惱叵言體適困極水漿不下醫藥
不治神呪不行假使解除無所復益醫見如
是尋退捨去最後命盡至於鞭靛興于凶危
若使爲變命欲盡時則有六痛遭於苦毒鞭
靛之惱衆患普集已所不欲自然來至轉向
杼氣或塞不通但有出氣無有入氣出息亦
極入息亦極諸脉欲斷失於好顏卧起須人
人常飲飼雖得醫藥糜粥含之必復苦極不
能消化欲捉虛空白汗流出聲如雷鳴惡露

自出身卧其上歸於滅處命盡神去初出野
田或火燒之身體臭腐無所識知飛鳥所食
骨節支解頭項異處連筋斷節消爲灰土一
切無常當是之時身爲所在頭足手脚爲何
所處初始死時出在塚間父母兄弟妻子皆
共逐之親厚知識亦復如是啼哭愁憂悲哀
呼嗟椎膺殞憫葬埋已訖各自還歸亦不能
救身獨自當之棄捐在地猶如瓦石不聞聲
香味細滑亦不見色及與五欲無所識知以
是之故知身無常孝順供養父母恭敬沙門
諸道士布施持戒齋肅守禁修行起任迎逆
誓首作禮叉手自歸今諸賢者諦省察此當

念無常苦空非身於是說偈曰

已見如此大恐怖

計求人身甚難得

當行精進救頭火

除諸勤苦立大安

往古佛時值不閑

莫計吾我及放逸

得無遇此無量苦

生死之患地獄酷

志在愛欲無為惡

伏諸根本故說此

無得念惡及諸想

得至寂然如壞賊

無得念言是我所

於是無我亦無吾

無得不尊自謂勢

攝身諸事伏其心

常當羞慙知身時

捐棄軀命無所著

無得長夜在惡趣

慎莫為此遭是患

勿復往至閻羅界

常當孝順供二親

積累功德爲後護
勿求衆安而犯惡
觀察此已常興施
然後當求於父母
常承佛教不違命
假使疾病求父母

因是疾得賢聖路
無承邪教爲卒暴
棄捐愛欲諸瑕穢
妻子親屬及知友
將無不值就後世
妻子親屬及知友

欲令救護不能得
賢者迦旃延爲諸比丘說法如此比丘歡喜
即時受教

功德智慧後世明
功

佛說和利長者問事經第十八

聞如是一時佛遊那難國波和柰樹間與大
比丘衆五百人介時和利長者往詣佛所誓

首足下退坐一面佛告長者吾欲問汝假使
魔來及魔官屬及無央數諸外異道問以時
答當諦聽善思念之唯然世尊願樂欲聞於
是長者與諸大衆受教而聽佛告長者何謂
大魁長者白曰唯然世尊大魁有四何謂爲
四一曰地種二曰水種三曰火種四曰風種
是曰四大魁佛言何謂地種答曰謂有五事
立堅強不柔麤獷能往返者佛言善哉善哉
長者能解彼諸地種永不現不長者答曰唯
然世尊我身能知地種滅沒不可知佛言善
哉復問何謂水種答曰唯然世尊水有五事
津液通流細滑微碎無有形貌猶如羅網徧

至諸脉佛言善哉善哉長者汝乃能知水種滅沒不知處時答曰唯然世尊知歸無常永不現也佛告長者何謂火種長者答曰温煖之類能令人熱有所消化而能焚燒光燄之類佛言善哉長者汝乃能知火種滅沒不復現耶答曰能知無常歸盡不現佛告長者何謂風種長者答曰風有五事寒冷之類輕飄駛疾有所飄吹出入得通有諸響聲佛言善哉善哉尔乃能知風種忽然滅沒不復現耶答曰唯然世尊能知風種自然歸盡佛言善哉善哉長者世尊又問豈不覩見其種寂聲答曰唯然知其種聲平等如稱其四大魁爲

何所處。答曰：倚欲飲食恩愛。又問其四大。魁
爲何所倚。答曰：展轉相依。又問爲何所趣。答
曰：趣色。諸人又問：諸人爲何所歸。答曰：歸罪
塵勞。又問：何因有罪塵勞。答曰：唯然。世尊其
識及身各自別異。而各離散。又問：命盡身壞
爲何所趣。答曰：豈有所趣。身無心意。身識各
別。又問：長者續以故識歸於所趣。更得異識。
耶。答曰：唯然。世尊不賣。故識歸於所趣。不離
故識。亦無異識。云何長者見於法乎。譬如世
尊眼識。非常耳識。有異不共。合同如是。世尊
沒生死。如是所見無猷。而以存命。佛言：善哉。
善哉。長者於今長者。一切所問。報答如應。審

實不虛寧見不實荅曰不實所以者何如大
聖說於是世間所興不實欲法悉虛我念世
尊此世俗事皆以虛立未曾有法佛言善哉
善哉長者假使有說世事皆虛悉未曾有則
諸佛說所以者何世間悉虛無有一實於是
世間皆未曾有佛說如是和利長者受教歡
喜而退

佛說心揔持經第十九

聞如是一時佛遊菟檀菟國賓近大海之邊
佛所行樹於師子座與無央數諸天眷屬圍
遶而爲說法彼時世尊告安詳摩夷亘天及
淨居身天子諸天子當知有揔持名佛心之

法過去如來至真等正覺所說為四部會最
於後世救攝擁護令得自歸普獲特勝所生
到處護一切義為諸菩薩學大乘者令蒙法
恩使得普至一切所為則有超異以故說耳
今者諸賢亦當受之持諷誦讀我滅度後最
後世時四輩眾會學大乘者聞其名者當分
別說為他人講心懷忍辱心得自在聞其音
難設致其名超異德性如來所說而復攝護
已願最上所見自在其有欲聞當為說之眾
會對曰唯然世尊當受聖教如佛所言終不
敢違使如來教普然具足眾會又問何謂世
尊佛心揔持法乎世尊告曰今次第說無垢

離垢造一切義皆已逮得所作諸德無有邊
際三世平等一切十方具足諸慧示現一切
諸所有藏諸法自在具足成就所作通達普
了周而除一切眼皆於三界普至十方寂然
憺怕獲諸脫門分別法界究竟倚著皆念一
切諸所作爲超度餘心已得解脫除結縛去
普於虛空本性清淨無垢勸化三處過去當
來現在平等三世斷除無餘離於所有第一
度證所行如言所作成就一切大慈而興大
哀於一切人而無所度佛告天子是爲佛心
揔持法也爲四輩說求菩薩乘其有諷誦懷
在身心諦曉了識持此經者懷諸思想譬若

如來立在于頂思則得見其有能見若有
聞者能說經法若有持者未曾有志究竟於
學當復得任於道所任說經寂然以故講經
所持當持未曾忽疑以是之故能忍摠持一
切所聞所得如海逮不起法忍於一切法而
得自在無所罣礙至解脫門如意具足於現
在法於我法教當受重任棄諸重擔此族姓
子則爲見佛若覩此等當從聽受當觀其法
莫察其形不當毀訾而輕易也摩夷亘天子
白佛言唯然受教不敢違也普當宣傳如來
之命然於後世以是經法爲四輩說及菩薩
乘當爲分別若有誦得若有志者當爲開示

族姓子汝當令得見及使聽聞護如來所說
言教我等亦當奉受如來所說此族姓子當
成大義佛告摩夷亘天子卿當奉行如今所
言是則佛教佛說如是摩夷亘天子淨居諸
天一切衆會天龍鬼神世人阿須倫聞經歡
喜

怨家像知識

而強結親友

諸王所行多

則主於土地

其國多大臣

而常興鬪諍

當爲造弊眼

於是說如是

跽飢利屮

跽飽利屮

師比丘

跪羅陁

蒲偈陁

沙埵投陀漚

阿夷比瓌波

昧痺翅那旃

跪離那波羅

翅提 左施槃左 左披散左 摩呵曼那

崑陀黎那

其有於是於我空耗所有財寶令逮得之若
過去則以是神呪當以手授重其手足擁護
於膝重於臆常皆見重為脅見重使下見重
令頸見重使心見重令四部眾皆使見重悉
令平等所從來處風散其華

漚那提奴 漚那提陀 漚那提屠 漚提

屠 取披鞞陀吐闍吐者

朱陀闍陀 波沙提 波沙檀左耶醯迦弥

仇弥遮羅翅 朱羅鈴摩左 阿提陀

淨弥羨那伊俞羅頭 耶翅祇禘弥 比闍

禘弥 薩披那樓弥檀菟南模 摩迦屋

阿掃比耶 今所祝吉 梵天勸助

佛說護諸比丘呪經第二十

聞如是一時世尊遊於摩竭羅閱祇城東在
於柰樹間梵志比丘聚從是北上 罽提山中天
帝石室尔時無數比丘各各馳走忿忿不安

如捕魚師布網捕魚魚都馳散世尊遙見無
數比丘各各馳散擾擾不安佛問比丘何為
馳散擾動如斯若魚畏網比丘對曰我曹患
所在不安遇諸賊盜鬼神羅刹諸象及龍餓
鬼師子及諸妖魅鬼魅非人熊羆諸邪溝邊
溷鬼蠱道巫呪佛告比丘當為汝說常當救

濟一切擁護諦聽善思念之比丘答曰唯然
受教佛言何等爲一切救濟擁護如是

阿軻弥 迦羅移 嘻唵嘻唵 般鐸

阿羅鐸 摩丘 披賴兜 呵頭沙

翅拘黎同提唵 者比丘披 漚羅須弥者

羅 難樓莊者羅

阿耆破耆 阿羅因阿羅邪 邪勿遮坵鐸

移阿鐸

若不解脫我當勸解爲其擁護救濟令安吉
祥無患若賊鬼神羅刹蠱道符呪護四百里
周帀無敢僥者其不恭順犯是呪者頭破七
分所以者何佛告比丘今吾普觀天上世間

若如是呪呪願擁護終無恐懼衣毛不豎除
其宿命不請南無世尊所呪者吉梵天勸助
是呪

佛說吉祥呪經第二十一

聞如是一時佛在舍衛城是名曰轉法輪莫
能踰者是地廣普若有媯者佛皆說之今當
講誦大人聖賢具足歸彼時佛告賢者阿難
吾爲汝說神呪之王汝當持之諸佛所說至
誠行趣道行十二因緣行月行日行賢者行
日月俱行諦聽善思念之阿難言受教而聽
如是

休樓

牟樓

阿迦羅

毘羅

莫迦垣羅

毘提

波羅鈴波芻阿左呵

邪提

阿左

邪提阿提

邪提頰禰末諦盧羅盧羅毘提

摩那羅羅波夷吒

無量揔持諸印之王諸佛所說為至誠行為

修道行平等跡行日行月行如日月行佛語

阿難此揔持句為佛之句為尊上句為學句

賢聖之句得利義句所懷來句無兵杖句若

族姓子族姓女若入此句入無數解百千之

門能分別說佛告阿難雪山南脅有大女神

名設陀隣迦醯

晉名攝聲

有五百子及諸眷屬彼

聞此經即自起住舉聲稱怨嗚呼痛哉嗚呼

何以劇乎吾身本時取若干百衆生人精以

為飲食害命服之於今不堪不能復犯沙門
瞿曇為四部眾而設擁護所以者何若善男
子善女人受是神呪童男童女入於郡國縣
邑聚落持是吉祥呪若諷誦說無能燒者所
以者何今沙門瞿曇所說神呪遣逐非人滅
除眾患常住於此而現於魔宮諸弊魔言天
王欲知沙門瞿曇已空汝界今諸天王當共
被鎧將諸群從暫勒兵眾譬如菩薩初坐樹
下魔被以鎧甲及諸兵眾往詣佛所於是世尊
告阿難曰是大女神設陀羅迦醯止於雪山
之南與五百子俱遙聞如來說神呪揔持
印呪恐怖懷懼衣毛為豎及於諸魔一切官

屬及餘衆魔於時彼魔被其鎧翰與眷屬俱
往詣世尊惡心欲詣沙門瞿曇彼時有菩薩
名曰降棄魔降魔及官屬還詣佛所稽首聖
足叉手歸佛白世尊言我已攝制於此弊魔
及諸官屬發遣諸兵并設陀迦醯大女神而
制伏之不敢爲非亦不敢媿比丘比丘尼清
信士清信女不敢中害無所妨廢善哉世尊
願說揔持法印爲四輩衆令皆得擁護使得
安隱惟佛加哀普及人民令得安隱於是世
尊爲是神呪應時欣笑阿難問佛世尊何故
笑笑當有意佛告賢者阿難汝寧見降棄魔
菩薩道行殊特降魔官屬設頭迦醯大女神

伎術皆以壞敗心懷憂感於彼忽然沒而不
現到斯說是揔持之印今時世尊思此揔持
印王攝伏一切諸惡鬼神及諸妖魅除一切
媯伏鳩伏鳩休浮休樓阿祇提是揔持印王
呪其有鬼神女神鳩桓龍金翅鳥及諸弊獸
一切衆魅至意有意在道斷他懷來爲食爲
句跡甘嘗爲月動搖善震動意爲心何況細
微無不微也其大德揔持無擇無冥而無所
斷其心誦其十事讀於今笑當所作者亦無
所選佛告阿難是無擇句揔持句無所選句
安隱句擁護句於諸衆人無所媯句無所害
句禁制句諷誦者句爲四部衆則設擁護人

真非人不能犯也。若卧出時所在寤寐無敢
媿者。况佛所說其聞此呪莫不安隱。佛說如
是歡喜而去。

佛說揔持經第二十二

聞如是一時世尊遊於摩竭在法閑居佛之
道樹初成道時與萬菩薩俱一切成就普賢
菩薩行於無願其行無餘及空無菩薩蓮華
藏菩薩寶藏菩薩行藏菩薩妙曜菩薩金剛
藏菩薩力士藏菩薩無垢藏菩薩調定藏菩
薩與一萬菩薩俱與一佛世界三千大千塵
數菩薩俱各各從異佛國而來會此所從方
來化師子座稽首佛足在於佛前坐師子座

於時此等菩薩大士不計吾我清淨無瑕各
心念言於此何因不可思議諸佛世尊所有
境界無能稱量諸佛世尊本之所願而有殊
特何因諸佛如來感動何謂所爲不可思議
無罣礙行云何世尊無念無想致此殊特於
時世尊尋知此等諸菩薩之心所念諸坐菩
薩諸佛無處亦無不任欲問如來諸佛威神
一切光明佛威神德精進無踰而得皆立皆
入諸佛諸揔持法廣大聖覺是等所入殊特
如此無所罣礙身之所入亦皆如此諸佛眷
屬棄捐諸瑕諸佛之法而不可獲而常安隱
於時蓮華藏菩薩入諸法所趣之心無所罣

礙所念法門無諸弊礙諸菩薩行為普賢願
合集等行正任於願入諸佛法見十方佛加
於大哀度於無極降伏衆生休息惡趣一切
菩薩諸三昧定觀于本際諸佛之慧所行無
盡莫不歸伏趣諸道慧皆照揔持分別諸度
蓮華之藏其諸菩薩承佛聖旨各自說言諸
佛盡聽諸佛世尊所行無量極大變化隨其
本相曉了諸法一切皆智諸佛超異都無陰
蓋諸佛世尊普逮法界入于法界諸佛世界
有無處所無所罣礙何為十在兜術天現盡
壽命忽沒無能禁制亦無有處入母腹中十
月而生又棄捐家而樂出外心常欣悅坐佛

樹下積累一切諸佛之法一時之頃普諸佛
土示現如來感動瑞應常轉法輪悉殖德本
分別解說當得佛時具成菩薩而以法成諸
佛世尊永無住處在在智慧而建立之是爲
佛子無有處所亦無所住

復次佛子諸世尊有十教目何等十教化一
切諸度無極皆除一切諸無智法常修大哀
有十種力普轉法輪教化群黎禁制衆生成
平等覺開通萌類今無所住於此無行相法
自歸已得寂然亦教他人至覺滅度是爲十
復次佛子復有十事疾見如來何等十適見
諸佛則覩衆生便棄一切諸所歸趣取要言

之速疾具足福德眷屬速受諸德之本即德
 清淨無所短乏便除狐疑適見諸佛為衆生
 等示于大乘令無所畏尋得成就為不退轉
 適得逮見諸佛世尊疾求分別衆生之源而
 開度之便逮度世淨衆生根適得逮見諸佛
 世尊便無弊礙是為十佛說如是諸菩薩聞
 經歡喜

生經卷第二

定

競競

居陵反

猗

於離反

瑕

惡

上下一戶加反

宴

居

上一

見燿然

郭上反

諄那

上之反

日

眈

涕

泣

上音

嵩

息弓反

觚

音姑作

正

痛癢

下音

庭

遊

二同

邠

耨

主布巾反反牛呵詩下音勞賀上上去芬醞下音粗

下古奴毒反反牛呵詩下音勞賀上上去芬醞下音粗

反古奴毒反反牛呵詩下音勞賀上上去芬醞下音粗

上田反鞭靴下上吾更反反杼一神吕反飲飼反上於禁

寺刃反田反鞭靴下上吾更反反杼一神吕反飲飼反上於禁

殛憫下上音一敏反臭腐父下音筋筋二音斤椎曾追反直巨

反古鄧作音紫又跔竹嫁反蒲稍下所交反瑜音

反鳥侯瓊反丁侯庫反丁賀翅反施智臏反必刃脅業

反昌演窈反奴侯叱叱下昌正乙反醯呼兮仇音求第音闡

反妖魅二下反眉熊羆雄二界字音溝反古侯溷鬼困上胡

反妖魅二下反眉熊羆雄二界字音溝反古侯溷鬼困上胡

反妖魅二下反眉熊羆雄二界字音溝反古侯溷鬼困上胡

無上音軻歌音嘻餘下上許帝反反厥反蒲木莛莛

無上音軻歌音嘻餘下上許帝反反厥反蒲木莛莛

二 企 反 其 去

同 楚

翰 去 作 芻 字 俱 反

胡 旦

反 頻

頻

反 於 割 醯

未 詳 或 作

呼 兮 反

作 鏡

反 昔 亥 懷

定

鏡

反 昔 亥 懷

定

鏡

反 昔 亥 懷

定

鏡

反 昔 亥 懷



